

09/19. 2/12.02. 2020. x3.
DF 2575

Na osnovu člana 5. Zakona o Vladi Tuzlanskog kantona („Službene novine Tuzlanskog kantona“, broj: 17/00, 1/05, 11/06, 13/11 i 15/17) i člana 6. Zakona o novčanim podrškama u poljoprivredi i ruralnom razvoju Tuzlanskog kantona („Službene novine Tuzlanskog kantona“, broj: 8/14, 2/16 i 4/18), na prijedlog Ministarstva poljoprivrede, šumarstva i vodoprivrede Tuzlanskog kantona, uz prethodno pribavljeno mišljenje Komisije za poljoprivredu, vodoprivredu, šumarstvo i zaštitu okoliša Skupštine Tuzlanskog kantona broj: 02-02-445-2/20 od 13.07.2020. godine, Vlada Tuzlanskog kantona na sjednici održanoj dana 14.07.2020. godine, donosi

O D L U K U
o izmjenama i dopunama Programa novčanih podrški u
poljoprivredi i ruralnom razvoju u 2020. godini

I

U Programu novčanih podrški u poljoprivredi i ruralnom razvoju u 2020. godini („Službene novine Tuzlanskog kantona“ broj: 5/20, u daljem tekstu: Program), u tački II, broj „4.500.000,00“ se zamjenjuje brojem „7.000.000,00“.

II

U tački III, iza stava (1) dodaje se novi stav (2) koji glasi:

„Korisnicima koji imaju registrovan obrt bit će obračunat 20 % veći iznos novčane podrške po jedinici mjere u odnosu na visinu novčane podrške planiranu ovim Programom u okviru modela podrške proizvodnji za animalnu i biljnu proizvodnju.“.

III

Tačka IV se mijenja i glasi:

„Pored općih kriterija iz tačke III ovog Programa, korisnici moraju ispunjavati i sljedeće kriterije za pojedine oblasti, odnosno vrste proizvodnji:

A) MODEL PODRŠKE PROIZVODNJI

1. Biljna proizvodnja

- 1.1 Proizvodnja kukuruza – korisnici koji zasiju od 1 – 1,9 ha kukuruza,
- 1.2 Proizvodnja kornišona za industrijsku preradu - korisnici koji proizvedu i prodaju registrovanom otkuplivaču, odnosno prerađivaču najmanje 2 tone kornišona za industrijsku preradu,
- 1.3 Proizvodnja merkantilnog krompira – korisnici koji zasnuju proizvodnju merkantilnog krompira na površini od najmanje 0,5 ha i registrovanom prerađivaču prodaju najmanje 10 t/ha krompira,
- 1.4 Proizvodnja povrća u zaštićenom prostoru – korisnici koji proizvode povrće (krastavac, paprika, paradajz) u zaštićenom prostoru (plastenici, staklenici) na površini od najmanje 200 m²,

- 1.5 Proizvodnja jagode u zaštićenom prostoru – korisnici koji proizvedu jagodu u zaštićenom prostoru (plastenici, staklenici i visoki tuneli) na površini od najmanje 200 m²,
- 1.6 Otkup voća za preradu na području Kantona - pravna lica registrovani otkupljivači/prerađivači koji otkupe od proizvođača najmanje 300 tona voća za preradu, proizvedenog na području Kantona,
- 1.7 Otkup voća za dalju prodaju i izvoz - pravna lica registrovani otkupljivači koji otkupe od proizvođača najmanje 300 tona voća proizvedenog na području Kantona i isto prodaju registrovanom prerađivaču ili izvezu,
- 1.8 Proizvodnja gljiva (šampinjoni, bukovače i šitake) – korisnici koji za proizvodnju gljiva (šampinjoni, bukovače i šitake) utroše najmanje 10 tona supstrata godišnje,
- 1.9 Proizvodnja komposta – korisnici koji su registrirani za proizvodnju komposta i koji u toku godine proizvedu i prodaju najmanje 300 tona,
- 1.10 Podizanje nasada jagodičastog voća (malina, kupina, jagoda, borovnica, ribizla i aronija) – korisnici koji zasnuju nasad jagodičastog voća površine najmanje 0,1 ha u monokulturi,
- 1.11 Podizanje višegodišnjih nasada, voćnjaci intenzivni (jabuka, kruška i šljiva) – korisnici koji zasnuju nasad krošnjastog voća površine najmanje 0,5 ha u monokulturi,
- 1.12 Proizvodnja presadnica povrća i ljekovitog bilja – korisnici koji u toku godine proizvedu najmanje 500.000 kontejnerskih presadnica povrća i ljekovitog bilja, u skladu sa Zakonom o sjemenu i sadnom materijalu bilja,
- 1.13 Proizvodnja sadnica jagodičastog i bobičastog voća (sadnice jagode).

2. Animalna proizvodnja

- 2.1 Muzne krave – korisnici koji posjeduju 2 i više muzne krave u liniji otkupa mlijeka,
- 2.2 Vještačko osjemenjavanje plotkinja – pravna lica koja su kod nadležnog suda registrovana za djelatnost vještačkog osjemenjavanja krava, a koji su u sistemu PDV-a,
- 2.3 Proizvodnja pilećeg mesa – korisnici koji utove najmanje 3.000 pilića u turnusu, a najviše 500.000 i isporuče ih registrovanim klaonicama, koje su u sistemu PDV-a,
- 2.4. Proizvodnja konzumnih jaja – korisnici koji imaju najmanje 3.000 koka nosilja u proizvodnji, a najviše 100.000 u toku godine,
- 2.5. Uzgoj pilenki teške ili lake roditeljske linije – korisnici koji imaju minimalno 3.000, a maksimalno 5.000 pilenki u toku godine do prelaska u fazu reprodukcije i iste prodaju ili ih ostavi za dalji uzgoj,
- 2.6. Košnice pčela, uzgoj pčelinjih zajednica – korisnici koji imaju 15-19 društava za proizvodnju meda,

3. Sredstva za isplatu dodatne podrške za obrtnike

4. Regresiranje kamata na kredite namijenjene za otkup poljoprivrednih proizvoda - pravna lica kojim je odobren kredit za otkup viškova biljnih i animalnih poljoprivrednih proizvoda proizvedenih na području Kantona za koji korisnik plaća do 2 %, a razliku od 2 % do 8,5% ugovorene kamate na godišnjem nivou plaća Ministarstvo.

5. Podrška organizatorima proizvodnje u kooperaciji otkupa proizvoda iz kooperacije i prodaja tih proizvoda – pravna lica koja organizuju člansku i kooperativnu proizvodnju i otkup kornišona na području Kantona u minimalnoj količini od 100 tona.

B) MODEL KAPITALNIH ULAGANJA

Model kapitalnih ulaganja obuhvata novčane podrške kroz sufinansiranje:

1. Nabavka opreme u animalnoj i biljnoj proizvodnji i to:

1.1 nabavku opreme u stočarskim objektima: sistem za hranjenje i napajanje, podloga za ležišta, sistem za izdubavanje-skreper, sistem za separaciju stajnjaka, ventilacija, sistem za zagrijavanje objekta, kavezi za koke nosilje, oprema za izuzimanje i klasiranje jaja,

1.2 nabavku hladnjače (paneli i rashladni uređaji).

Pravo na novčanu podršku imaju korisnici koji se bave poljoprivrednom proizvodnjom, pri čemu se podstiče 25% investiranih sredstava.

Minimalan iznos investicionog ulaganja iznosi 10.000,00 KM.

Maksimalan iznos novčane podrške iznosi 60.000,00 KM.

Korisnik može podnijeti samo jedan zahtjev za ostvarivanje prava na novčanu podršku po modelu kapitalnih ulaganja.

2. Nabavka osnovnog stada (telad).

Pravo na novčanu podršku imaju korisnici koji nabave najmanje tri grla (tele) a maksimalno 20 grla, za proširenje osnovnog stada.

3. Izgradnja sistema protivgradne zaštite i to:

3.1 nabavka nove opreme za izgradnju sistema protivgradne zaštite: mreže, stubovi i žice).

Pravo na novčanu podršku imaju korisnici koji se bave poljoprivrednom proizvodnjom, pri čemu se podstiče 50% investiranih sredstava ukoliko je vrijednost investicije do 30.000,00 KM i 25 % ukoliko je vrijednost investicije preko 30.000,00 KM.

Minimalan iznos investicije iznosi 3.000,00 KM, a maksimalan iznos novčane podrške iznosi 15.000,00 KM za investiciju do 30.000,00 KM i 20.000,00 KM za investiciju preko 30.000,00 KM.

C) MODEL OSTALIH VRSTA PODRŠKI

Model ostalih vrsta podrški obuhvata novčane podrške za sufinansiranje realizacije projekata od značaja za Kanton i to:

1. Sufinansiranje stručnih publikacija, stručno usavršavanje kadrova iz poljoprivrede i razvoj asocijacija poljoprivrednih proizvođača.

Sufinansiranje navedenih projekata vršit će se u iznosu 15 %, od iznosa sredstava potrebnih za realizaciju projekta, a maksimalan iznos novčane podrške iznosi 3.000,00 KM.

2. Podrška TV emisijama o poljoprivredi i promociji domaćih proizvoda javnim emiterima sa područja Tuzlanskog kantona.

Sufinansiranje se vrši u iznosu 50 % od iznosa sredstva potrebnih za realizaciju projekta, a maksimalan iznos novčane podrške iznosi 30.000,00 KM.

3. Sufinansiranje proljetne/jesenje sjetve u uslovima proglašenog stanja nesreće.

Novčana podrška se dodjeljuje u iznosu od 100.000,00 KM po jedinici lokalne samouprave (općina/grad) za sufinansiranje realizacije proljetne sjetve i 30.000,00 KM po jedinici lokalne samouprave (općina/grad) za sufinansiranje realizacije jesenje sjetve.

Pravo na novčanu podršku ostvaruju općine/gradovi na području Tuzlanskog kantona u ime poljoprivrednih proizvođača, kojima je odobrena novčana podrška na osnovu Federalnog Pravilnika o uslovima i načinu ostvarivanja novčanih podrški po modelu ostalih vrsta podrški - podrška poticaja proljetne/jesenje sjetve.

Visina podrške po krajnjem korisniku iznosi do 1.000,00 KM.

Prihvatljivi troškovi za proljetnu/jesnju sjetvu su troškovi nabavke sjemena, mineralnih gnojiva i zaštitnih sredstava za proizvodnju poljoprivrednih kultura.

D) SUDSKE PRESUDE I RJEŠENJA PO ŽALBAMA"

IV

Tačka V se mijenja i glasi:

"Raspored sredstava za novčane podrške u poljoprivredi i ruralnom razvoju u 2020. godini vršit će se po sljedećim oblastima i vrstama:

R/b	Vrsta podrški	Jedini mjer e	KM/ jedinici mjere	Plan podrški	
				Obim proizvodnje /jedinica mjere	Ukupan iznos / KM
1	2	3	4	5	6
A. MODEL PODRŠKE PROIZVODNJI					
1. BILJNA PROIZVODNJA					
1.1	Proizvodnja kukuruza	ha	200,00	1.500,00	300.000,00
1.2	Proizvodnja kornišona za industrijsku preradu	kg	0,07	1.100.000,00	77.000,00
1.3	Proizvodnja merkantilnog krompira	kg	0,07	320.000,00	22.400,00
1.4	Proizvodnja povrća u zaštićenom prostoru	m ²	1,50	200.000,00	300.000,00
1.5	Proizvodnja jagode u zaštićenom prostoru	m ²	1,50	304.000,00	456.000,00
1.6	Otkup voća za preradu na području Kantona	t	50,00	400,00	20.000,00
1.7	Otkup voća za dalju prodaju i izvoz	t	50,00	2.000,00	100.000,00
1.8	Proizvodnja gljiva (šampinjoni, bukovače, šitake)	t	50,00	2.000,00	100.000,00
1.9	Proizvodnja komposta	t	45,00	2.000,00	90.000,00
1.10	Podizanje nasada jagodičastog voća (malina, kupina, jagoda, borovnica, ribizla i aronija)	ha	4.000,00	10,00	40.000,00
1.11	Podizanje nasada krošnjastog voća (jabuka, kruška, šljiva i višnja)	ha	3.500,00	10,00	35.000,00
1.12	Proizvodnja presadnice povrća i ljekovitog bilja	kom	0,02	2.000.000,00	40.000,00
1.13	Proizvodnja sadnica jagodičastog	kom	0,04	1.500.000,00	60.000,00


R/b	Vrsta podrški	Jed nica mjer e	KM/ jedinici mjere	Plan podrški	
				Obim proizvodnje /jedinica mjere	Ukupan iznos / KM
1	2	3	4	5	6
	bobičastog voća (sadnice jagode)				
2. ANIMALNA PROIZVODNJA					
2.1	Muzne krave	grlo	100,00	7.795,00	779.500,00
2.2	Vještačko osjemenjavanje plotkinja	grlo	4,50	13.612,00	61.254,00
2.3	Proizvodnja pilećeg mesa	kljun	0,10	5.400.000,00	540.000,00
2.4	Proizvodnja konzumnih jaja	kljun	1,30	150.000,00	195.000,00
2.5	Uzgoj pilenki teške ili lake roditeljske linije	kljun	1,20	20.000,00	24.000,00
2.6	Košnice pčela, uzgoj pčelinjih zajednica	kom	15,00	6.000,00	90.000,00
3. SREDSTVA ZA ISPLATU DODATNE PODRŠKE ZA OBRITNIKE					50.000,00
4. REGRESIRANJE KAMATA NA KREDITE NAMIJENJENE ZA OTKUP POLJOPRIVREDNIH PROIZVODA					
4.1	Regresiranje kamata na kredite namijenjene otkupu poljoprivrednih proizvoda				35.000,00
5. PODRŠKA ORGANIZATORIMA PROIZVODNJE U KOOPERACIJI OTKUPA PROIZVODA IZ KOOPERACIJE I PRODAJA TIH PROIZVODA					
5.1	Podrška organizatorima proizvodnje u kooperaciji otkupa proizvoda iz kooperacije i prodaja tih proizvoda (kornišon)	kg	0,04	1.702.500,00	68.100,00
B. MODEL KAPITALNIH ULAGANJA					
1.	Nabavka opreme u animalnoj i biljnoj proizvodnji				120.000,00
2.	Nabavka osnovnog stada (telad)	grlo	600,00	1.000,00	600.000,00
3.	Izgradnja sistema protivgradne zaštite				80.000,00
C. MODEL OSTALIH VRSTA PODRŠKI					
1.	Sufinansiranje realizacije projekata od značaja za Kanton				
1.1	Sufinansiranje stručnih publikacija, stručno usavršavanje kadrova iz poljoprivrede i razvoj asocijacija poljoprivrednih proizvođača				15.000,00
1.2	Podrška TV emisijama o poljoprivredi i promociji domaćih proizvoda javnim emiterima sa područja Tuzlanskog kantona				35.000,00
1.3	Sufinansiranje proljetne sjetve u uslovima proglašenog stanja nesreće				1.300.000,00
1.4	Sufinansiranje jesenje sjetve u uslovima proglašenog stanja nesreće				390.000,00
Usluge održavanja softvera za praćene ulaganja i analizu ulaganja u oblast podrške primarnoj poljoprivrednoj proizvodnji u 2020.godini					5.733,00

R/b	Vrsta podrški	Jed nica mjer e	KM/ jedinici mjere	Plan podrški	
				Obim proizvodnje /jedinica mjere	Ukupan iznos / KM
1	2	3	4	5	6
D. SUDSKE PRESUDE I RJEŠENJA PO ŽALBAMA					
1. Ostvareno pravo u ponovljenim postupcima provedenim po pravosnažnim sudskim presudama iz oblasti novčanih podrški iz predhodnih godina i pravosnažnim rješenjima donesenim u drugostepenom postupku po žalbama					15.000,00
Rezerva					956.013,00
UKUPNO					7.000.000,00

V

Ova Odluka stupa na snagu danom donošenja, a bit će objavljena u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A



PREMIJER KANTONA
Prof. dr. Denijal Tulumović
Prof. dr. Denijal Tulumović

Broj: 02/1-11-7804-5/20
Tuzla, 14.07.2020. godine